

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



WY 220/0600

近代中國史料叢刊第八十三輯
沈雲龍主編

永清庚辛紀略

高紹陳撰

文海出版社
有限公司印行

W77-0/0802

永清庚辛記畧

李芳署



序

高謙甫父台觀察大人於光緒丁未仲秋來權邑篆下車
後循行鄉里編訪民間利病而依次弛張之煥發新猷清
釐積牘厲揭臬廬之禁平除雀鼠之爭釋無辜而德意交
孚誅有罪而刑章大肅密盜防而萑苻盡化嚴巡務而草
莽同安境內之人皆翹首抗心知公將大有造於吾邑矣
司訓李會園夫子日者詣公言事公適檢書廚於瑯籤縹
帙之叢瞥覩一編題曰永清庚辛記畧讀之皆庚子辛丑
公在永清任內性命交關事蹟公慨然曰此私藏也鍵閉

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



觀

枕函中久矣恐近名為累從未敢示人不期吾子之窺吾
秘也會園夫子曰美玉今朝出匱矣瑞華瑞藻豈宜長此
離藏乎不謀於公徑袖出之鳴宸等得同時寓目焉僉曰
此一篇循吏傳也無怪我公來此其設施迥不猶人原備
嘗險阻艱難冶鍊之也精陶鎔之也粹公之此帙豈兩清
人士所得而私之哉蓋有以公之使舉世皆稱為快覩哉
更有以長之使奕世皆稱為快覩哉會園夫子曰然則其
石印之乎咸曰善於是釀金摹石裝潢整齊得醒目怡心
者六百編以廣其傳為採輯風謠者博片光增吉羽嗚呼

彼一清也此一清也何其感戴於公畧不分畛域乎豈不以隆隆懿德所好有同情赫赫循徽相傳無異說乎故不辭其鄙弁祇序此編之所緣起聊備弁言云爾

直隸清河閻縣紳衿等恭序拜印

張鳴宸 莊鼎臣 范蔚文 郭聯輝 孫伯華

安際雲 顧天祥 趙斌 楊金聲 莊殿揚

王逢祥 崔溥 李維章 杜本榮 顧玉年

馬月卿 郭鷹揚 謝佃 趙景雲 楊宗閔

段順興 趙泮增 王立身 劉梅塘 計桂林

馮金瑛	劉喜符	崔東汶	朱耀德	孫富有
張稽全	黃書升	李遐齡	蘇際午	顧連茹
包雲卿	王璟	張際元	劉其珍	楊翼
張豐玉	黃廣德	李英堂	張履誠	王天陽
段會同	吳一嶺	王維恆	黃殿甲	邱鳳岡

永清庚辛記畧

渝州謙甫高紹陳藏稿

余稟性愚存心直出言慙行事方薄涉詩書狃嫻翰墨自
叨登宦籍常恪守官箴上念國恩下憂民命內顧家聲外
揚士氣兢兢於此數者而竊慮其難乃彼蒼蒼者初若不
知余之愚也直也慙且方也而誤授之艱危投之禍變致
淪於顛沛幾以敗其生平又若明知余之愚也直也慙且
方也而故授之艱危投之禍變使蹈於摧衄藉以驗其生
平且當日所遭飄發而電馳鬼驚而神駭鎗林而彈雨血
海而屍山吉凶生死之若何皆無暇計亦無能計直覺身

如一葉出沒於濤翻浪濤之中時惟結魄凝神以聽事機之所至止既傾以妖魅復陷以奸邪艱危禍變之相乘前未去而後又來左未分而右又合爭之不得置之不能智者無所用其謀曲者無所施其巧辯者無所伸其說黠者無所設其機詎以余之愚而直慧而方者竭蹶於盤錯糾紛竟得從容出險噫嘻此豈余愚直慧方之力足以濟之耶於此知遇有艱危禍變百方趨避於吉凶生死者徒多事以自瑕疵耳此其中秘密之機竊於庚子辛丑在永清任內憬然有悟焉既交却因就一身所經歷摘其要疏為

家乘忝作詒謀至事之關係稍輕者皆置之不顧縷
光緒二十六年歲次庚子五月十六日余奉檄權永清縣
篆適當焚燬教堂孟孫二教士被戕之後正妖氛塞野殺
氣連雲劍指紅天拳匪披猖之日余逆料其為禍必無窮
止一面條其凶狀馳達上游一面進諸紳而語之日時逢
劫運地處亂叢列寇如林現在受創方劇聯軍越海將來
為禍更深吾清敗土之城彼為陞此為缺既乏登陴之守
復無委積之藏將何以靖內憂消外患成其保聚共濟時
艱諸君世族於斯與同休戚尚各從長計較有以匡余衆

聞言有難色面相覷而徐答曰天方啟禍匪實難圖外兵猶未來其舉動如何亦難為預揣據目前情勢似乎無策可籌余曰資防守則城宜修也備捕掣則兵宜練也兵差過往則糧食柴草宜儲也豈已亡羊猶無意補牢已臨渴猶不思掘井乎諸紳曰內患固然如是設洋兵至何以待之余曰屆時探察情形當隨機應變耳諸紳曰各節誠如所諭無如刻下人心散渙縱有王孫賈亦無人響應而徒勞振臂之呼也可奈何語竟咨嗟以次逡巡退去余喟然歎曰賢哉卜氏其言信而後勞也無何匪益鵠張莫能收

拾惟有曲加撫慰以稍紓其焚掠姑與苟安而已至七月二十五日呂提督帶兵至縣屬之雙營過渡霎時拳匪麇集數千人斷據河干逞兇攔阻時僅傳說有逃兵竄渡經拳者抵當云余即請雲把總世華前往探查是否如何速行馳報雲把總三更後始回報是呂軍門所帶馬步全軍二十餘營被拳匪將船拖岸不放過河向該匪開導再三莫之勝說余聞報乃令人安頓糧草寅夜趨至雙營時天色黎明見該匪已安排大礮紛執快鎗利刃氣鼓洶洶余面諭云來此渡河者是吾省呂提臺兵隊並無他慮萬勿

攔當該匪悍不聽從堅稱是賊話猶未了兩邊鎗礮齊施
余見陣勢已成無可挽回只得回城再計百姓聞知開仗
紛紛逃避城市一空尋紳士得數人俱言鋒銳已交誰能
嚮還余曉之曰事雖凶烈究係官兵止因拳匪距河致生
風浪不親往設方排解恐闔邑為墟矣遂具衣冠率紳僚
出城迎謁甫及北門之外聞喊聲震地見火光燭天礮若
雷殷彈如星駛余無退志冒險前行官兵見即開鎗擊中
雲把總股穿而仆余急前遮問兵言奉令燒殺四十里衆
聞言錯愕而思退余曰官兵豈得公然燒殺其言奉令此

中當有別情必親見軍門疑團乃解遂更迎鋒冒進一路
拳揮足踢鎗託攢毆余銳而走險拌死得至雙營車馬從
人概不知何去孤身一個被衆兵昇起橫刀頸上而數曰
爾為何調拳匪打我官兵正命在斯須適營官王迪又來
將兵叱退余求引見軍門色然怒開口道爾調拳匪打我
官兵是何道理余答云萬無本省知縣敢調拳匪打本省
提臺之理軍門袖出一永清印票示余曰此非爾調匪之
憑據耶余答云此印票係奉護督兼尹各憲札飭縣屬義
和拳每人發給一張以分別真偽者縣署現存有卷可以

稽查如有子虛卑職甘受軍法且現今拳匪桀驁相競官撫之且不受肯聽官調遣乎卑職一聞兵至即請雲把總前來伺應何況大縣親臨且大兵經過永清如先有札知使得及時曉諭軍民何至拳匪誤會而有今日之事余言至此軍門乃改容歎曰拳匪驕抗不馴官誠無法制也言未畢衆兵忽上前攀住軍門衣服聲聲以袒護高知縣大譁軍門曰毋孟浪有奉匪可當面證明也旋將匪押來余問姓甚麼匪言姓萬問誰教汝打官兵匪言高大老爺教打的問高大老爺來否匪言今日未來昨日曾來余便厲

聲曰昨日來的是雲把總我方是高某汝尚不能認識何得妄言嫁禍汝等不遵官諭撞出禍來卻誣陷好人希圖幸脫天良喪盡真合寸誅因呼各將官曰事已辨明非高某罪矣諸位明理試思調匪打兵天下有糊塗至此之官乎衆於是氣平始有更生之望乃向軍門稟曰冤已剖析乞速行收隊勿多塗炭生靈卑職此番之捨死而來特地為民請命然來路既險而歸路仍險實不敢徒歸耳軍門乃命營官派騎兵四十名送余回治噫因奉匪一言誣害激怒兵心將永清焚劫數十村屠戮數百人嗚呼慘矣哉

冤矣哉小民何辜而橫罹此禍哉而余與同往之紳士九
死一生終日水米不濡飢渴悉忘更不遑自恤趕又為兵
營犒饗次日呂軍開隊以行

次日黎明將迎候呂軍忽見陝軍來至問之乃升大人
名允所統勤王師也此起凡三營內一營官李君洪太
係同鄉當透入城正坐談間有城內富紳朱槐之孝廉
之至感俸滿興安知府張弼臣太守請余有機要相商
言頃有陝兵係向在興安府署當差者報稱伊昨日紮
營與呂軍甚近得聞其密計言永清城內朱紳富珩王

侯明日進城劫之必能滿欲云云如此則舍親家恐難保矣事殊危急當奈若何余曰雖有難星猶有救星無怖也余即向李營官備述之請將兵隊屈留一日以為之防禦李慨然應承即與各營官假館於朱呂軍知城內有陝兵計不能行乃繞城而去

自呂軍走後閩邑人心感動日造堂皇叩謝者數百人余撫勞之餘并言遭亂以來地方彫劫懋遷稀至恐有錢無市之虞此後官兵洋兵由此往來者尚不知多少起支應若缺難免下鄉騷擾受害無窮余思欲辦支

應必須多備柴薪多儲糧草大衆如知此舉為身家性命攸關有柴者挑一擔柴有草者挑一擔草預屯城內以備將來應用則策之良也如無有即作為罷論切勿挨村箕斂欲保民而反以擾民衆聞之皆踴躍輸將指日柴草山積且有囊馱輦運將白麩來者不但支應過路各兵即請來駐紮之陝軍此時因乏饟糈亦資為挹注余由此始能為力以勉強支持而紳民等亦皆知余任事實心以相依為命遇有疑難之事即來商榷非復淡焉漫焉推諉若從前矣於是議修城講練兵始籌維

禦外安中之策後洋兵入境凡四十餘次索求羸馬車
輜食物芻茭等項無不咄嗟立辦各使歡欣鼓舞以行
噫此豈一人之所能為哉羣策羣力萬衆一心之效果
耳賢哉卜氏其言信而後勞也

八月二十五日本地拳匪勾結外匪四千餘壓地而來要
索快鎗糧食一時城鄉大擾余請本城紳董授之方畧使
往見其渠復密書差信一封謂自東安遞到內云馬軍門
大隊二十餘營令明兩日當道出永清宜速備大車糧草
各若干等語即面諭兵房及各房書辦著照書分辦且諭

知車輛猝難支應可姑將上站來車加價過使惟急切難
購白麪可速令坊鋪家家趕磨兵過後如數給錢但恐義
和拳不知是官兵復踏雙營故轍可告知拳首言項接東
安差信馬軍門大隊不定今明兩日過來請將圍駐紮南
關所用諸當供給彼此人多勢衆慎勿輕相觸犯滋生事
故致地面遭殃乃該匪既經紳董說之於前復經書辦諭
之於後知馬軍將至大懷驚畏竟相率遁藏既而該匪見
馬軍未來復集多人於二十八日午後各持鎗械闖入署
中余出問何為匪恣睢言曰特來尋汝目今皇上已向西

京去了如有上諭不用義和拳我們即撤壇大家星散如無上諭汝未免欺人太甚問究竟因何得罪當說明使我瞭然匪曰汝假裝糊塗余再三問之衆譁曰汝借馬軍誑說我們尚假裝不知道耶言罷各持鎗挺刃蜂擁犯前余張目叱之曰馬軍經過係接得東安差信不能不預先安置即貴團亦皆有供億所以傳知各位者恐兩邊人衆誤有猜疑也此理所當然何得以為誑說隨問隨答余一惟據理言之造次之間拳威以斂余即歷詢該匪等姓名居址饜以酒食畀以錢文各得意揚揚呼嘯而去

嗣有成形土匪時來伺劫民至屬鞭負楯不克聊生遂
崇函往固安請得陝軍李洪太一營來清震攝陝軍旋
即去繼請陳長青游擊帶錦字營來迭經掣獲匪首李
振邦等數名正法即嚮所詢知者也余得稍閒即請營
官到署坐談防守盤飧盃酒禮意優隆待兵丁亦備有
情文故得其歡心遇有風聲莫不爭先效命以故匪徒
斂迹閭閻藉以稍安

閏八月間各州縣曾經受害之教民結隊成羣四出打家
劫舍大張旗號聲言奉命復仇或羅織富民指控逼官傳

辦官如不理則相率亂譁但一經稟傳即估家私定索賠之多寡以是人皆畏懼希冀出錢免禍動輒飽其貪囊九月初二日有十數鄉民望息而來言我等村莊被洋裝賊七八十人搶去羸馬數十匹車十餘輛將所搶銀錢衣物裝載上車用羸馬駕行現走猶未遠遠派兵追趕可望珠還余即請陳營官帶隊急追陳少頃馳回說是東安縣教民名快骸劉三言此舉並非為暴乃法欽差發給洋旗執照令自復其仇可持我紙名回達地方官可也余聞此說即與陳風總疾馳三十餘里追及之見伊等束裝俱是洋

帽洋衣各帶快鎗余先使繳鎗然後說話且曰汝鎗如不繳我鎗便開兵快斃劉三與其黨繳鎗而執說如前余曰拳匪亂民已經奉旨勦除使汝曹重見天日汝今之涉吾境也有何緣故當即告官何得效妖孽所為橫行剽掠劉答言拳匪殺我家人時候為何不告官知余云現在李中堂貼出煌煌告示殺人拳匪一律勦斃遭害教民均加撫恤儻有借報仇為搶劫者照土匪例從嚴辦理汝曹豈未之聞耶我知汝是中國之民應恪遵中國之法不知誰教汝來吾邑胡亂報仇喊一聲速斃教眾四分逃竄陳游擊

驅兵掩捉立掣得三十餘人將被搶去之羸馬車輛銀錢衣物悉數勒回業巨囚多衆皆觀駭紳等恐余將此黨果科如匪律致民教又啟衅端余言毋慮我自有裁衡本城內教民來署懇情者盈庭膜拜余言此輩凶頑已極非駢戮以昭炯戒難遏亂萌再再哀求余云即使准情亦決須依我三事一將鎗留下二勒回之物著各家認領如有短少照賠三將此輩過堂聽余發落衆退商回話曰前兩事敬依尊命止求恩免過堂余云既看衆情即過堂亦無苦既而堂上余先為劉陳禍福乃言汝今所犯本應依匪例

嚴懲念汝等曾遭拳匪禍殃姑從寬典著本城教民保釋
從今安分勿蹈前愆惟是告拳匪之教民屢催傳案日者
余特進而語之曰余下車之始見拳匪恣行焚殺凶戾障
天逆料將來必奉旨勦除因預飭將設壇各村壇主某辛
香頭某癸大師兄某甲學事某丁均造冊存於署內查該
匪有何惡舉即密登之註明某拳匪殺某人某拳匪搶某
家故凡拳匪之殘害爾教民者自奉旨勦除即陸續親身
督捕屢擒多匪明正典刑今汝所控皆富紳雖亦在拳中
為是當時不權相比附則身家性命立見傷亡是爾日之

相從誠迫於無奈也通理達情之君子當得見原故事到而令不必論拳不拳止宜論匪不匪且今方為爾等籌賠款皆須取給富紳若俱依牒票傳勢必致其逃匿賠款更無從籌措其為損於爾將多矣況殺傷爾家屬之孽拳今已捕誅殆盡爾大仇已報所歉者哀貲撫恤耳均宜靜候勿效無知要挾長官致干刑憲衆聞諭各無辭而去余始終未予簽差一票富紳於以保全

九月初九日英國為永清教堂孟孫二教士被拳首李振邦等所殲驅大隊萬餘人驟至南關紮住四門懸礮刻擬

屠城內外人民莫不魂飛膽落此案余於接篆後知該國不能無問罪之期因亟設方掣獲李振邦等梟其首鹽漬之以備將來全果為此受兵乃直造英營見軍主李提督言曰貴國孟孫二教士被拳匪戕害在五月五日王前令任中事因其疎失已予撤參我於五月十六日到任後即將肇禍之拳首李振邦等正法首級猶存貴國興仁義之師衆皆欽仰現今拳匪非伏誅即遠颺城內所存皆是好人提督忍安加兵刃乎余窺其色霽反覆開陳綏於舌敝脣焦始免屠城而議罰銀四萬兩將拳匪立壇之各廟

宇教士遇害之北城樓概行轟毀余曰既承高誼舍屠城而取罰鍰礮火無情祈為附近居民一想提督曰其多蓄水隨撲滅之而已言定復求羸馬食物余即告辭見洋兵四下窮搜致婦女驚惶覓死亟復見英提督求其保護及余出已調兵出城而派人把守四門以嚴防出入矣既而英軍將去以礮車過河不便囑為之橋余就各村派出千餘人稽料涌攢其工立就瀕去謝余曰我軍律不嚴騷擾地方者已分別罰充苦力君是好官我見李中堂必力加保舉異常歡喜鏡鼓以行嘻此次情形可謂逢凶化吉

當英隊之將去也余見李提督言曰城中舊駐之兵因避貴軍移紮遠村未經歸伍誠恐貴軍一去空城無守致生諸匪禍心願將兵及早召回以防不測英提督以為可余即差急足往召防兵果然英隊甫行突來外匪百餘人乘虛劫搶南關寨寨距城三里邑之精華在是余急赴之飭將寨門洞啟使街面闌無人揚鞭而告匪曰此空廂也願入者請於中相會匪竟驚疑而遁余遣人尾之而所召之兵適至告焉急攻之奮勇兜拏獲三十餘匪訊係固安回民僉稱傳慶為渠而傳亦直承不